

DIE EIKE KAFEE

(Eienaar: van der Wes.)

STUDENTE:

Kom na die Eike vir vars vrugte, sjokolade en tabak.

Ons waardeer u ondersteuning en verseker u van ons beste dienste.

DIE MATIE

Gedruk deur Pro Ecclesia-Drukkery en uitgegee deur die A.N.S.-Tak Stellenbosch

VILJOEN

se fietswinkel sal u fiets weer repareer. Bring dit net.
FIETSE EN FIETSPARTE NOU IN VOORRAAD.
Alles teen die billikste terme.
Onthou—
Net langs Suikerbossie.

STELLENBOSSE STUDENTEKOERANT.

DEEL I, No. 13.

VRYDAG, 17 OKTOBER 1941.

ORGAAN VAN A.N.S.-TAK.

PRYS 1d.

Ons Standpunt i.v.m. Segregasie

BETREKKINGS MET WITS EN U.K. MOET GEBREEK WORD

Mosie Eenparig Aangeneem op A.N.S.-vergadering

In sy toespraak voor die A.N.S.-vergadering verlede Maandagaand, het dr. A. I. Perold die A.N.S. geluk gewens met hulle gesonde standpunt i.v.m. segregasie. Dre. P. J. Coertze, B. I. C. van Eeden en Mnr. F. J. Language, almal lektore in die Departement van Volkekunde en Bantoetale het die Afrikaner standpunt i.v.m. segregasie baie duidelik gestel en hulle ten gunste van 'n sterk beleid, wat segregasie aan Universiteite betref, verklaar. Hierna is die volgende, as die formulering van die standpunt van die vergadering, eenparig aangeneem.

Hiermee wens ons as A.N.S.-tak van die U.S. op ondubbelsinnige wyse ons standpunt te stel teenoor die stryd oor die beginsel van rassenuwerheid wat deur NUSAS op die Suid-Afrikaanse universiteite ingesleep is.

Die botsing t.o.v. hierdie vraagstuk tussen die Christelik-Nasionale lewensbeskouing van die Afrikaner en die liberalistiese sienswyse wat deur dweepsieke oorsese genootskappe vir die eerste keer sterk in ons land gepropageer is, en vandag nog voortwoeker in die kamp van die liberalistiese volksethos en volks-eie. Hierdie nuwe oplewing van die eeu-oue stryd tussen die onversoerbare leerstellings van rassenuwerheid en dié van gelykstelling, het ontstaan toe U. Wits hierdie gelykstellingsbeleid nie alleen deurgevoer het met betrekking tot die toelating van nie-blankes as studente nie, maar toe dieselfde eetkamers en laboratoria vir blank en nie-blank aangewys is. Enkele tafels is wel vir blankes afgesonder onder die opskrif: „slegs vir blankes.” Dit is dus die Afrikanerstudent wat hierdeur gesegregeer is, in stede van die naturel.

Deur Fort Hare en sy hele gemeenskap uit te nooi om by NUSAS aan te sluit, het die liberaliste finaal die wig ingedryf tussen die Afrikanerstudent en die onnasionale elemente op ons universiteite. Onder hierdie omstandighede is daar net een weg oop vir ons as lede van

'n volksuniversiteit wat nie 'n verloëning van een van die heiligste beginsels van die Afrikaner sal wees nie. Ons moet alle betrekkinge afbreek met U. Wits, en ook U.K., wat weier om op eksplisiete wyse die beginsel van rassenuwerheid te bekragtig, en ons aansluit by die Afrikaanse minderheids-groepe op hierdie universiteite sowel as by U.P., P.U.K., vir C.H.O., U.K.O.V.S. en die ander kerklike en kultuurliggame wat reeds onomwonde hulle standpunt gestel het.

Die liberale skool gaan uit van die standpunt dat elke individu, afgesien van sy bepaalde ras volgens sy meriete behandel moet word, en nie as lede van wat hulle as kunsmatig afgebakende bevolkings-groepe beskou nie. Volgens hierdie atomistiese staats filosofie, moet die Afrikaner se Christelik-Nasionale lewensbeskouing t.o.v. van die kleurvraagstuk vervang word met 'n soort super-Suid-Afrikaanse patriotisme, waarin elke individuele lid van die gemeenskap, of hy nou blanke, naturel of kleurling, is, dieselfde regte en vryhede geniet. Tot sy logiese konsekwensies gevoer beteken hierdie opvatting algehele verbroedering en assimilasië met die nie-blanke.

As lede van die Afrikanernasie stel ons ons egter op die standpunt van die onskendbaarheid en solidariteit van die Afrikaners as bevolkings-groep, wat deur die Afrikanerbaan-

Vervolg bls. 2 kolom 3.

Suikerbossie Melksalon.

HOOFKWARTIER
van
GESONDHEID

Ligte Etes, Melkdranke
(warm en koud), Koffie,
Tee en Lekkers.

Onder persoonlike toesig van

OOM HUGO.

Gebroeders De Wet

(Eiens.) BPK.

ALGEMENE HANDELAARS,
SPORT-UITRUSTERS EN
PRAKTIESE SNYERS

Offisiële agente vir al die Universiteits Kleure.

Huidige Studente wapens 7/6.

Oudstudente Wapens 10/6.

Kleurbaadjies gemaak na maat £4 kontant.

Bestel dadelik, voorrade word min.

Gebrs. De Wet (Eiens.) Bpk.

h/v. Kerk- en Birdstraat.
STELLENBOSCH.
Posbus 21. Foon 20.

Volkekundiges Bepleit Segregasie

Dre. Coertze, Van Eeden en Mnr. Language spreek A.N.S. toe

„Die huidige stryd aan ons Universiteit gaan oor die vreemde houding van vreemde mense,” het dr. P. J. Coertze beweer by geleentheid van 'n A.N.S.-vergadering verlede Maandagaand.

Dr. Coertze het daarop gewys dat die idee van die gelykstelling van alle rasse ontstaan het in die Franse Rewolusie, met sy beginsels van vryheid, gelykheid en broederskap.

Ons voorvaders wat hierdie beginsels nie toegepas het nie, het vir die eerste keer daarmee kennis gemaak op die Oosgrens, waar dr. Philips e.a. dit prakties toegepas het. Die toepassing van die gelykheidsbeginsel het die grensbewoners verhinder om hulle lewens en eiendom doeltreffend te beskerm, en was een van die oorsake van die Groot Trek.

In 1852 kry die naturelle stemreg in die kolonie met die gevolg dat daar met hulle verbroeder word om stemme te vang. Sodoende het die naturelle stem in sewe setels die deurslag gegee.

Indien die naturel op ekonomiese gebied gelykgestel word sal dit beteken dat die blanke orals uitgedruk sal word, omdat die lewensstandaard van die naturel soveel laer is.

In die Republiek is die beginsel van gelykstelling nie aanvaar nie, maar is die naturel beskou as 'n onderdaan van 'n vreemde staat. Dit moet ook ons standpunt wees volgens spreker. Die naturel moet in sy eie kring toegelaat word om te ontwikkel volgens sy aard en tradisies.

MNR. LANGUAGE.

Mnr. F. J. Language, wat na dr. Coertze aan die woord gekom het, het gesê dat hy alles beaam wat die vorige spreker gesê het. Hy verwys na die stryd tussen Liberalisme en Nasionalisme in Suid-Afrika, 'n stryd wat ook die naturelle betref. Die vraag is: watter een van die

Vervolg bls. 2 kolom 4.

APTEKERS

Ons bied u deskundige bediening en betroubare medisyne aan. Deskundige Fotografiese Handelaars.

Maak gebruik van Ons Vluggie Fotografiese Posdiens.

Joerning en Seun

(Eiens.) Bpk.,

Hoek Bird- en Pleinstraat,
STELLENBOSCH.

Dr. A. I. Perold oor „Leierskap”

Hoë Vereistes vir Leiers

In sy toespraak voor die A.N.S.-tak verlede Maandagaand het dr. A. I. Perold daarop gewys dat daar aan ons Universiteit beter voorsiening gemaak moet word vir die opleiding van toekomstige volksleiers. Hiervoor is o.a. 'n Departement van Staatsleer nodig wat voorsiening sal maak vir b.v. die intensiewe studie van verskillende staatsvorms.

Dr. Perold het kortliks gewys op die omwenteling in die hele wêreld en die verskillende strome in ons eie volk. In hierdie tyd het ons leiers nodig wat ons reg sal lei.

EIENSKAPPE VAN LEIERS

'n Leier moet aan verskillende vereistes voldoen. Die belangrikste is dat hy 'n sterk persoonlikheid moet hê, wat deur opvoeding tot sy volle sterkte kan ontwikkel.

Ons het verstand gekry om kennis op te doen omtrent die natuur om ons, maar ons het ook die Woord van God gekry om ons rigting aan te dui. Dit moet die handleiding van 'n leier wees, soos dit ook die geval was met Pres. Kruger.

Verder moet 'n leier kennis en liefde vir sy werk hê. Hy moet 'n sterk karakter, 'n goed-balanseerde uitkyk op sake en 'n onuitputlike werkkrag besit. Hy mag nie werk vir selfverheerliking en eie belang maar moet 'n onuitroeibare geloof hê in sy saak en in die roeping van sy volk. Hy moet nie vrees ken nie en moet bereid wees om sy lewe te gee vir sy saak.

„Ons het sterk leiers nodig, want ons moet 'n nuwe rigting ingaan,” het spreker gesê. Indien ons volk sy roeping wil vervul moet ons 'n Christelik-Nasionale staat kry waarin die Afrikaner sy stempel op die bestuur van die land kan afdruk. Die Vryheidsmanifes van die A.N.S. is 'n uitstekende aanduiding van wat ons wil hê, en spreker vereenselwig hom volkome daarmee.

CHRISTELIKE NAS. SOS.

Dr. Malherbe het onlangs beweer dat Christelikheid en Nasionaal-So-

Vervolg bls. 3 kolom 2.

MATIES!

Hier is nuus—U EIE UNIVERSITEIT SE WAPEN is nou verkrygbaar soos goedgekeur deur die Senaat van die Universiteit en word aangebied deur

Stabilis Agentskappe en

Beleggings-Maatskappy

Groote Kerkgebou 314,

Bus 1527, KAAPSTAD.

Teen die volgende pryse

£1-5-0 aan huidige studente.

£1-10-0 aan oudstudente en docente.

6/- per wapen word afgestaan vir die voorgestelde ingenieursfakulteit.

Plaasbestellings by

Dick Terblanche, p/a. mev. Woodbourne, Joubertstraat, Stellenbosch.

VAN ZYL

Posbus 233. Foon 791.

DIE SPORT HUIS

van die

P A A R L .

Raadpleeg ons vir

MANSKLERE

asook

Enige soort Sportbenodighede wat die seun of man nodig het.

DEUR DIENS GROEI ONS!

„Die Uitspan.“

Kom Span Uit en Rus, en Geniet U Verversings en Etes by

„DIE UITSPAN.“

Ons Personeel is tot 11 Diens.

Ons Terme is Billik.

Van der Stel Fietswerke

(Eienaar: PAUL ACKERMAN)

Studente!

Ondersteun jul ou Fietsdokter

Alle werk gewaarborg.

Hou Koers Reguit na—

PERL SE APTEEK

CUTHBERTGEBOU,

Pleinstraat,

STELLENBOSCH.

Vir al u Medisyne,

Toilet en Fotografiese

benodighede.

PLAZA

Foon 0013.

Alleen op Vrydag 24 Oktober

'n Spesiale Middagvertoning om 3 uur n.m.

Op Spesiale Versoek.

Charles Boyer

Danielle Darrieux

In die groot Franse Klassieke Sukses

„MAYERLING.“

Dialog in Frans. Kommentaar in Engels

ROUX BROERS

(Eiens. Bpk.)

ATLAS-GEBOU, KAAPSTAD.

Volledige Mans- en Damesuitrusturs en Kleremakers.

DIE MATIE.

Redakteur: W. A. Joubert.
Ass.-Redakteur: P. A. Theron.
Besigheidsbestuurder: S. P. Botha.

DEEL I. 17 OKT. 1941. No. 12.

VOLKSORGANISASIE

Planologiese volksorganisasie het in ons tyd 'n belangrike gesigs-einder van die denkende Afrikaner geword, en reeds veel is hieroor gesê en geskryf deur ons rigtingbewuste leiers wat die stroming van die nuwe tyd vertolk. Tog is daar menige wat nie hierdie opvattinge begryp nie, en dit is één van die vernaamste taakstellinge van die A.N.S. om op hierdie gebied, meer as op enige ander, die voortou te neem. Soos ons Ere-President, Dr. J. F. J. van Rensburg, in sy welkomswoord aan ons blad in die eerste uitgawe gesê het: „Deur sy onlangse kongresbesluite het die A.N.S. weereens bewys dat hy die durf en die wil het om aktuele probleme aan te pak en die weg voor te berei na die toekoms, na die Afrikanerdom van môre en oormôre. Mag dit ook die hoofzaak van Die Matie wees.“

Die *raison d'être* van volksorganisasie moet gesoek word in die steeds groeiende reaksie teen die toestand van betreklike skaakmaat en onbevoegdheid om ons groot probleme te kan oplos in die huidige party-politieke stelsel. 'n Dertigjarige ondervinding van ons uithêemse parlementêre stelsel het die Afrikaanse volksmassa oortuig van die bloedloosheid van die ingevoerde present uit 'n vreemde land. Die Afrikaner het geleer dat parlement beteken „praatplek.“ En as hierdie volksvreemde affêre doeltreffende regering kon aanbied, hoekom was dit dan nodig om buitekant die „heilige“ parlement 'n Reddingsdaadbond te stig om ons volk van algehele ondergang te red?

ONS VRYHEID

Die „vryheid“ waarvan die liberaliste so baie praat, het ons geleer, is die vryheid van die ryk man om nog ryker en die arm man om nog armer te word. Hierdie soort „vryheid“ bied die A.N.S. vaarwel, en sonder krokodiltranse ook.

Met sy Vryheidsmanifes van 1940 het die A.N.S. reeds 'n begin gemaak om groter ideale te verkondig as die „vryheid“ van die enkeling om sy kleinlike eibelang ten koste van volk en vaderland te bevorder. Die vryheid wat ons nastrewe is VOLKSVRYHEID, en aan hierdie grootse ideaal sal die enkeling sy selfsugtige eibelang moet onderwerp. Derhalwe maak Art. 3 van die Vryheidsmanifes voorsiening vir „'n President, (wat), deur die volk vir 'n bepaalde tyd verkose en verantwoordelik aan God alleen, met bystand van 'n Uitvoerende Raad en Volksraad van gebieds- en beroepsverteenwoordigers, 'n regering van gesag sal voer.“ Alleen deur middel van hierdie gesentraliseerde gesag kan grootskaalse Volksorganisasie tot stand gebring word. Hierdie Volksorganisasie sal berus op, eerstens, 'n sterk nasionale lewensbeskouing wat gemeenskapsbelange eerste stel en, tweedens, die noodsaaklike dissiplinerende van die Volksmassa.

Altyd moet onthou word dat 'n staatsvorm nie 'n doel op sigself

is nie, maar 'n middel tot 'n doel, nl. die handhawing en bevordering van die volksbelange. Dus het professor T. J. Hugo van die Universiteit van Pretoria in sy referaat voor die A.N.S. Kongres in 1937 gesê: „As hierdie staatsinstrument 'n middel geword het om ons volkskarakter te bederf, as dit ontaard het tot 'n burokrasie met sy stapels van rooilintjie-dokumente, sy omkoopbaarheid, sy bloedloosheid en daadloosheid—dan word dit tyd dat die volk tot ontwaking kom en deur een manne daad bewys dat hy weet wat hy wil.“

Ten slotte sal die leë praters en demagoë van alle soorte en skakeringe in 'n planologies-georganiseerde staat daardie energie konstruktief moet aanwend wat hulle tans verkwis met die uitoefening van hulle sg. „reg van protes“, wat beteken die „reg“ van diletanti om die onkundige volksmasse te mislei. Hulle geklets oor „vryheid“ laat ons aan Goethe se woorde dink: „Sie glauben sich nicht frei wenn sie sich nich selbst und andere schaden können.“ („Julle glo julle self nie vry nie wanneer julle nie julle self en ander skade kan berokken nie“).

Dringende Oproep om Grootmoedigheid

Op Juniordag het 'n beeld van Oom Paul uit Huis-de-Villiers verdwyn. Daar dit 'n baie kosbare besitting is van mev. Dreyer, sal sy dit hoog op prys stel as dit weer teruggebring word.

Vervolg van bls. 1 kol. 2.

brekers in hulle optrede teenoor nie-blanke groepe as beginsel vir die nageslag neergelê is, in teenstelling met die opvattinge van ander koloniale groepe in Afrika. In ooreenstemming met die tradisionele Afrikaanse beleid van voogdskap teenoor die naturel wil ons die Bantoe as selfstandige en aparte volk ontwikkel deur 'n verligte segregasiebeleid. Enige ander vorm van samewerking op ekonomiese en sosiale gebied beskop ons egter as noodlotig vir die bestending van die blanke beskawing in Suid-Afrika.

Die samewerking wat U. Wits en die NUSAS-takke van U.K. en ander inrigtings met Fort Hare beoog, bring verder in herinnering die rampspoedige gevolge van s.g. „wetenskaplike“ samewerking van blankes en nie-blankes om dieselfde tafel. Die klassieke geval van die konferensie wat in 1930 in Fort Hare gehou is, het ten oorfloed bewys dat hierdie wetenskaplike kontakte haas onoorkomelike moeilikhede in die praktyk oplewer. Die Afrikanerstudent meen dat die geleentheid wel gebied word om homself deur middel van wetenskaplike publikasies e.d.m. te orienteer i.v.m. die rassevraagstuk. Dit impliseer egter geensins dat alle persoonlike kontakte met die naturel in die ban gedoen word nie.

In die lig van bogenoemde feite is ons verplig om alle betrekkinge met die studentegemeenskappe van U.Wits en U.K. af te breek, veral nadat 'n beleid van onderhandelings vrugtelos geblyk het. Intussen sal ons ons beywer om nouer samewerking op sport en sosiale gebied met die ander Afrikaanse universiteite te soek, en neem ons met groot instemming kennis dat so 'n Afrikaanse sportunie reeds in vooruitsig gestel word.

ONDERSTEUN ONS ADVERTEERDERS

Plateprogram Sondagaand, 19 Oktober, 8.30

Die Matthéüs-passie — J. S. Bach (1685—1750)

Hierdie meesterstuk, wat deur kenners beskou word as die hoogtepunt van Protestantse kerkmusiek, is vir die eerste keer uitgevoer op Goeie Vrydag, 1729, in die Thomaskerk in Leipzig. Alhoewel die passie na dié datum dikwels uitgevoer is, het dit gedurende die tweede helfte van die agtiende eeu in vergetheid geraak, totdat dit, as gevolg van die optrede van Felix Mendelssohn, in 1829 weer uitgevoer is. Sedert dié datum is die Matthéüs-passie aangeneem as een van die kosbaarste besittings van die mensdom.

Bach het die woorde van die passie hoofsaaklik geneem uit die ses-en-twintigste en sewe-en-twintigste hoofstukke van die Evangelie van Matthéüs. Dit handel natuurlik oor die lydengeskiedenis van Christus. Verder is die teks aangevul deur woorde van die skrywer Henrici, en deur korale wat Bach self uitgekies het.

Die middels waarvan die komposis gebruik maak in hierdie reusewerk is 'n dubbele koor, 'n aanvullende („ripieno-“) koor van sopraanstemme, 'n dubbele orkes, twee orrels en vyf soliste.

Die Musiekvereniging wil sy dank uitspreek aan dr. Con de Villiers vir die leen van die plate.

Piet Malherbe.

Vervolg van bls. 1 kol. 3.

standpunte gaan seëvier.

Die liberalistiese standpunt is baseer op die beginsels van gelykheid, vryheid en broederskap, en die toepassing daarvan sal lei tot stemreg aan alle inwoners van die land bo 21 jaar. Dit is die logiese uitvloeisel van die liberalistiese standpunt.

Die Nasionale standpunt beoog die behoud van ons volkseie en volks-tradisies. dit misken nie die reg van die Bantoe nie.

Oor hierdie beginsels kan geen kompromie aangegaan word nie; een of die ander moet gekies word. B.v. 'n Kongres wat in 1930 op Fort Hare gehou is en waarby blankes sowel as gekleurdes teenwoordig was, het duidelik gewys dat gelykstelling op slegs een gebied onmoontlik is. Waar slegs bedoel was om saam konferensie te hou, was dit nogtans onmoontlik om gelykstelling op die gebied van sosiale verkeer te verhoed.

Spr. het ten slotte daarop klem gelê dat gelykstelling op wetenskaplik gebied nie nodig is om die wetenskap te bevorder nie.

DR. V. EEDEN.

Dr. B. I. C. van Eeden het hom volkome met sy kollegas vereenselwig en daarop aangedring dat ons ons op die Christelik-Nasionale standpunt stel wat geen gelykstelling tussen blank en gekleurd duld nie. Ons moet die standpunt van die nie-blanke in die oog hou en hulle toelaat om langs hulle eie weg te ontwikkel, maar dit kan net geskied op grond van differensiasie.

BRIEWEBUS.

Mnr. H. G. C. — U brief is nie ter sake nie.

Uit die Vryheidsmanifes van die A.N.S.

9. Die Staat beoog die regverdige aanwending van al sy natuurlike en produksiebronne ten bate van die hele gemeenskap, en hierin sal nie geskroom word om gevestigde belange aan te tas nie.

Rook Springbok Sigarette.

Onder Onsies

Verlede Saterdag is twee gewilde oud-Maties te Rondebosch in die huwelik bevestig, nl. mnr. Piet (Zulu) Joubert en mej. Rona Joubert.

* * *

Donderdagaand was dr. en mevr. J. C. de Wet die eregaste op Dagbreek se dinee-dans. Vir die eerste maal was nie alleen Wilgenhof verteenwoordig nie (natuurlik deur mnr. Theo Pauw en mej. B. Retief) maar ook P.S.O. is verteenwoordig en wel deur mnr. Johann Barnard en gade.

* * *

'n Hele aantal van die persone wat aan die einde van die jaar Stellenbosch sal verlaat, het reeds betrekking verkry. Van die Sosiologieklas het mej. Myrlene de Kock te Oos-Londen, mej. M. Greeff te Graaff-Reinet, mej. L. Mahue te George.

* * *

Mej. Ansie Claasens van Huis-ten-Bosch het Saterdagoggend haar mondigwording gevier aan die huis van haar oom en tante, mnr. en mevr. Carinus. O.a. is opgemerk mejj. Carina Burger, Kiewiet Jansen, Marie de Greeff, Marcha Schoeman, Hyla Birkenstock, mnre. H. Heinen, M. v. d. Merwe.

* * *

Ook mej. Rosa Kok van Monica, het Saterdagoggend in die aanwesigheid van haar ouers wat tans alhier op besoek is uit Rhodesië, 'n aantal vriende onthaal in Suikerbossie, mejj. Elise Dürr, Nellé v. Dijk, Hui-brie de Wet, Joubert-tweeling, mnre. Fanie Botha, Piet v. Niekerk, Daantjie Morkel.

* * *

Donderdagmiddag toe die reëlingskomitee van die R.D.B.-week vir die laaste maal byeen was in die Uitspan en wel om afskeid te neem en te ontbind, kon prof. Schumann, voorsitter van die R.D.B.-tak, aankondig dat die winste van die alle-sinds geslaagde week, om en by £1,000 beloop.

* * *

Vanaand en môre aand voer die Dramatiese Vereniging twee dramas op nl. „Paradise-Enow” onder regie van mnr. Johnman, en Leipoldt se „Die Laaste Aand” onder regie van mej. Twinkle Hanekom.

* * *

Alle magte word nou ook ingespan i.v.m. die laaste afrondende oefening vir „Die Skepping” wat Herr Endler eersdaags aan Stellenbosch sal bied. Daar word al baie uitgesien na die uitvoering op 29 Okt. in die Stadsaal.

* * *

Mej. Koekie Coetzee van Sonop is nog een van die dametjies wat in die afgelope tyd haar verloof het en wel met mnr. Zas Bekker.

* * *

As gevolg van veranderde lente-weersomstandighede en volop reën, het Monica nou nuwe wasgoed- en linnekamers gekry bepaaldelik vir die gebruik van seniors. Is dit nou om in te studeer?

* * *

Saterdag sal die mansstudente weer die voorreg smaak om deur die dames getrakteer te word by die geleentheid van die Tennistoernooi.

* * *

Prof. Reimers was Dinsdagmiddag baie ingenome met Dan Maartens se spel tydens die tennisoefening. Daan was baie in sy skik met sy toeskouers. Jeanne le Roux en Isolde Nel was onder die toeskouers.

* * *

Dr. A. I. Perold wat Maandagaand voor die plaaslike A.N.S.-tak opgetree het en mevr. Perold is voor die vergadering in die Uitspan onthaal. O.a. was teenwoordig mnr. C. Pretorius van die Paarl, dr. W. A. Joubert, dr. P. J. Coertze, dr. B. I. C. van Eeden, mnr. F. J. Language, mnr. O. J. Franzsen, mnr. W. A. Joubert e.a.

Verseok aan Owerhede

Behoeftte aan Departement van Staatsleer

Op die A.N.S.-vergadering wat onlangs gehou is, is die volgende mosie eenparig aangeneem:—

Waar A.N.S. hom vanaf verlede jaar op staatkundige terrein begewe, en vanweë die toenemende belangstelling onder die studentegemeenskap in probleme van staatkundige aard, voel hierdie A.N.S.-tak ten seerste die behoefte aan 'n Departement van Staatsleer wat op akademiese en wetenskaplike wyse 'n kursus kan aanbied in die Politika.

Ons voel dat die huidige opsplitsing van die vakgebied van Staatsleer onder verskeie departemente

Komaan Studente-Blaasorkes

Die kompetisie vir die komponering van liedjies vir die orkes sluit Maandag, 20 Okt. Pryse word toegeken vir die beste komposisie, asook vir verdienstelikes. Tree in verbinding met E. C. Pienaar, jnr.

soos die Departement van Sosiologie, die Departement van Fisiologie en die Fakulteit van Regte, 'n baie onbevredigende toestand is, omdat elkeen van hierdie vakke beswaarlik bestudeer kan word om slegs die staatkundige afdelings te abstraher. Wat meer is, al die onderafdelings van Politika word nie in hierdie departemente behandel nie.

Ons wens dus hiermee beleefd dog dringend 'n beroep te doen op die Senaat van die Universiteit om die wenslikheid van die instelling van 'n Departement van Staatsleer te oorweeg.

Senior Redenaarskompetisie

Saterdag om 7.30 n.m. in die Huis-houdkunde saal.

Sprekers:—Mej. Elise Coetzee, mnre. Nic. Olivier, Theo. Pauw, G. P. du Toit, Johann Pauw en P. A. Theron.

Vervolg van bls. 1 kol. 4.

sialisme nie bymekaar pas nie. Nasionaal-Sosialisme is egter nie Naziïsme nie, het dr. Perold beweer. Naziïsme is Duitse Nasionaal-Sosialisme; as ons as Christelike volk Nasionaal-Sosialisme aanneem is dit Christelike Nasionaal-Sosialisme. Nasionaal-Sosialisme verskil van volk tot volk juis omdat dit nasionaal is.

Ons huidige stelsel kan nie Christelik genoem word as ons al die armlankes in aanmerking neem nie, maar in ons land sal daar, net soos in die hele wêreld, sekere dele van van Nasionaal-Sosialisme toegepas word. In ons land sal dit beteken die praktiese toepassing van Christelikheid.

Melk is goed vir almal.

Plaas u bestellings by die

Beltana Melkery

FOON 123,

of by die depots

Die Eike Cafe

of

14 Birdstraat,

FOON 155.

Eienaar: DANIE JOUBERT.

Junior-redenaarsbeker Verower deur Dame

Redenaarstalent onder Juniors

Die junior-redenaarskompetisie van verlede week, waarin die mej. U. Grobbelaar die beker verower het, het bewys dat die toekoms van 'n debatsvereniging op Stellenbosch nog veel meer rooskleurig is, as wat die algemene mening mag wees. As jong sprekers het die deelnemers hul nog aan etlike swakhede skuldig gemaak, maar daar is tog bewys gelewer van talent wat, wanneer dit tot volle ontwikkeling kan kom, dit nog groot hoogtes sal bereik. Mej. Grobbelaar, b.v. is nog maar 'n eerstejaarstudent, en het dus nog 'n goeie kans vir ryper ontwikkeling in hierdie rigting.

SWEMKLUB

BEDRYWIGHEDE EN VOOR- UITSIGTE

Hierdie week het die Swemklub weer offisiëel met swemoefeninge begin. Die lede is baie ywerig om in oefening te kom en sien baie uit na twee galas teen Ikeys wat hierdie kwartaal sal plaasvind—een in Kaapstad en een in Stellenbosch. Die klub sal ook gereeld spanne stuur na die Westelike Provinsie Swem-Unie se byeenkomste elke Maandagaand in die Langstraatbaddens.

LEWENSREDDING.

Afgesien van die gewone swem-onderrig sal daar hierdie seisoen ook klasse gegee word in Lewensredding. Mej. U. Smith sal die dames hierin onderrig en mnr. A. J. van Heerden die mans.

VERLIESE

Ongelukkig sal die klub hierdie seisoen sonder een van sy puik vryslagswemmers, mnr. D. Marais, moet klaarkom. Alhoewel dit 'n verlies vir die aflosspan is, is daar heelwat ander goeie materiaal om gebruik van te maak.

Die waterpolospan van verlede seisoen sal vir die eerste helfte van hierdie seisoen nog voltallig was. Die tweede helfte van die seisoen sal slegs twee spelers, mnre. D. J. Cluver en A. J. van Heerden weg wees. Dit sal die waterpolospan met nog vyf goedgeoefende spelers, wat reeds waardevolle ondervinding tot hule beskikking het, laat.

VOORUITSIGTE

Oor die algemeen behoort die klub, wat gedurende die afgelope seisoen, nadat die nuwe bad gebou is, so vinnig ontwikkel het, die peil waarop swem staan nog hoër te lig en hierdie seisoen behoort hul besonder suksesvol te wees in die kompetisies.

Alfred Blommaert,

(Foon 48 en 176)

Kerkstraat,

STELLENBOSCH.

KRUIDENIERSWARE

- - YSTERWARE - -

- - PRODUKTE - -

Die Winkel vir billike en spoedige bediening.

Hendrikz BROERS

Die Slagters wat Stellenbosch van VLEIS voorsien. ONDERSTEUN HULLE.

Onthou—

ANDRINGASTRAAT.

Van Producent aan die Verbruikers.

FORRER BROERS

360 Hoofstraat, NOODER PAARL.

Vra om ons Pryslys.

Bestellings na alle dele van die Unie.

Wyne, Brandewyne en Likeurs

Bestel by ons vir u volgende huisfunksie, dans of partytjie

Matie —

Kersfees —

KAARTJIES

Met die

NUWE

Universiteits Wapen

in 5 Kleure

4 Verskillende bewoordinge van

Prof. E. C. Pienaar,

Prof. F. E. J. Malherbe,

Mnr. Ernst van Heerden

BINNEKORT

VERKRYGBAAR

Teen 4/6 per dos.

PLAAS U BESTELLING

NOU.

C.S.V.-Boekhandel,

Pleinstraat,

Stellenbosch.

Studente!

Wees ekonomies en gaan versigtig te werk.

Laat

J. B. COETZEE

u volgende pak klere maak.

AGENT VIR NANNUCCI DROOG SKOONMAKERS.

Andringastraat.

Rook Springbok Sigarette.

Op Ons Sportvelde

Vooruitsigte van Somersport

ATLETIEK

As 'n mens jou deesdae na Coetzenberg begeef, sien jy daar op die anderkantste velde hoe die manne alweer druk besig is om te oefen — dis hoogspring en verspring, dis gewigstoot en spiesgooi, dis hekkiesloop en hardloop dat die tonge uithang, want die 25ste Oktober is dit weer die Maties en Ikeys wat mekaar se kragte gaan meet. Die Ikeys het alweer met hulle grootpraat politiek begin om die doodsvrees in die Matie-manne in te ja. En daar is so 'n klein huiwerinkie in ons harte want Chris du Toit se arm is moeg; hy mag nie vanjaar weer deelneem nie sê die dokter. Dit is hy wat ons staatmaker-kaptein is. Piet de Wit se voet is seer, hy sal ook moontlik nie die 2 myl vir ons kan wen nie. Vat Morkel is die wye wêreld in, miskien sal hy darem op Groote Schuur uitdraai. Maar ons mag nie die jong klomp vergeet nie, dis hulle wat vasberade die plekke van die oues gaan vul. 'n Mens kan enige ding van hulle verwag.

KOMPETISIES

Die Paarl is ook lus vir ons en elke Woensdagaand is daar kompetisies op Groenpunt gereël. Voegvroeg aanstaande jaar kom die Puik athlete van die hele land se universiteite en kolleges om te kyk of hulle nie die Dalrymple-beker van ons kan wegvat nie.

BAIE ATLETE VERTREK.

Van Dalrymple gepraat — dis hier waar ons hartseer word as ons dink aan al die grotes wat ons gaan verlaat — vanjaar se kaptein, Chris du

Rugby se Laaste Stuip-trekkings

Ons het almal gemeen dat die voetbalseisoen afgeloop is, maar Saterdag het 'n span, saamgestel uit die 1e, 2de, 3de en 4de spanne, na Malmesbury oorgereis om daar in 'n voorwedstryd teen 'n plaaslike span op te tree. Na 'n harde geswoeg het die rooispan van windlose manne die oorwinning behaal met 11 punte teen 8.

Toit, die houer van die Inter-universitêre werpskyf rekord en baas verspringer; Blommaert, wat vanjaar die hoogspring en paalspring vir ons gebuit het en 'n nuwe paalspring rekord geskep het. Daar is egter 'n vae moontlikheid dat hy dalk nog hier sal wees; Potgieter, ons kranige naellooper, wat seker twee eerste plekke sou gevul het; en Hans van der Merwe wat soos seep oor die hekkies glip — maar van hom het ons ook 'n voëltjie hoor fluit, dat hy ons dalkies weer sal verteenwoordig. Maar ons harte word weer blyer as ons aan die veelbelowende jongspan dink, daar gaan nog groot manne onder hulle verrys.

TOEKOMS NIE TE DŪISTER

As ons so 'n sieners blik oor die toekoms werp dan lyk dinge taamlik rooskleurig. Ons veld-atlete sal heelwaarskynlik goed vaar hierdie seisoen. Ons lang afstand manne is ook nog daar, dis net 'n naellooper wat ons kort kom as Potgieter weg is. Ons hekkieslopers laat niks te wense oor nie, net jammer Patal Myburgh se bene was nie 'n flenter-tjie langer nie, dan sou hy 'n waardige opvolger van Hans oor die hoë hekkies gewees het.

NUWE BAAN

En die grootkoppe praat-praat so onder mekaar van 'n splinternuwe renbaan — altemit van fyn gras — en dat al die opdraends en afdraends gelyk gemaak sal word, sodat ons selfs die stoute vrymoedigheid sal hê om eendag te vra dat die Suid-Afrikaanse Kampioenskappe hier gehou word. En dink aan al die rekords wat gebreek sal word!

Net soos enige ander klub kan die atletiek-klub nie op sy beste vertoon tensy daar talryke geesdriftige ondersteuners is nie.

HALDENWANG!

Bak heerlike koek, tert, brood, bolletjies, pasteië en alles wat smaaklik is.

Besoek ons winkel in PLEINSTRAAT.

Fratse op die Kriekettoer

Deur Een van Hulle.

Omstreeks 3.30 n.m. op Donderdag 25 Oktober het die Krieketspan vertrek op 'n toer na die Oostelike Provinsie. Die uitslae van die wedstryde het in die vorige „Matie” verskyn, maar dis tog nie die belangrikste deel van die toer nie. Dis mos die bykomende dinge wat tel.

TRADISIE GEHANDHAAF

Op 'n uiters geslaagde manier het die toer begin toe die tweede „half-jêk” reeds by Koelenhof deur die venster trek. Hierdie standaard is egter nie gehandhaaf nie, want oor die algemeen het die kêrels geensins te diep in die bottel gekyk nie en het hulle ongelooflik vroeg (tussen elf en twaalfuur) gaan slaap. Dit was seker ook maar goed, hoewel die mening ook bestaan dat hierdie skielike verandering van leefwyse die krieket van party lede van die span ongunstig beïnvloed het.

DU BOIS LIEF VIR TONNELS

Die reis Port Elizabeth-toe was nogal aangenaam, hoewel daar nie juis baie gebeur het nie. Treffend was egter die gebruik wat Klaas du Bois van die reeks tunnels tussen Oudtshoorn en George gemaak het. Sy taktiek was eenvoudig: sodra daar 'n tunnel in vooruitsig was, het hy die aantreklikste meisiemens op die horison bygedam met die woorde: „Juffrou, laat ek jou oppas. Mens kan mos maklik in hierdie donker tunnels verdwaal!” Ons verneem egter dat die beskerming wat hy aangebied het, alte dikwels herinner aan dié wat Duitsland volgens die Engelse koerante aan klein state aanbied.

Saterdagoggend het ons by Port Elisabeth aangekom en dié dag ook 'n wedstryd teen die P.E.-Klub gespeel. Na die wedstryd is daar ordentlik „paartie geskop” en 6 dosyn bottel bier was nie bestand teen 'n elftal Matie-dorste nie.

VAT EN KLAAS VERLIEF

Sondag het ons op P.E. deurgebring, die meeste van die span by Humewood. Vir Vat Morkel en Klaas du Bois was dit egter 'n groot dag. Hul het verlief geraak op twee skoolmeisies van ± 15 jaar, die saak het uitstekend gevorder en hul verseker ons dat as die moed nie ontbreek het nie, die ouers-vra-sakie ook sou geskied het.

JAN DE KOCK 'N LEGENDARIESE FIGUUR

Maandagaand het ons by Grahamstad aangekom, waar die naam Jan de Kock legendaries geword het deur 'n interessante voorval by geleentheid van die Boks-Intervarsity 'n jaar of twee gelede. Hy het glo na afloop van 'n baie geslaagde partytjie die vermoede gekry dat die polisie besig was om hom te agtervolg en het die laaste 100 tree na Kollege-

Bofbalspan stel teleur

Ons eerste span het verlede Saterdag hul eerste botsing van die seisoen, 'n vriendskaplike wedstryd teen Clyde, met 3 lopies teen 8 verloor. Ons spelers sal nog baie moet oefen, want dit was duidelik dat hul afgerondheid in hul spel kort. Daar was de Wet, wat gewoonlik onverbetterlik speel, het tweekeer swak na eerste rus gegooi. Sy gooiwerk na die plaat was egter goed en sal nog die nagmerrie van menige bofbal-speler wees. Steyn en Brink was ook nie so akkuraat nie. Ons kolfwerk het baie te wense oorgelaat, maar dit is te wyte aan die moeilike gooiwerk van Gibbs en aan die nat veld wat eenvoudig nie die balle ver wou laat trek nie. Die kêrels het getoon dat hul oog in is en op 'n droë veld en teen 'n ander gooier behoort hul goed te vaar.

NUWELINGE

Daar is 'n hele paar nuwelinge in die eerste span opgemerk, soos spokie Reits, Bosch, Siecker en Theron. Laasgenoemde het goed vertoon op die eerste rus en behoort sy plek in die span te behou.

Huis agteruit afgelê om hulle onder die indruk te bring dat hy besig was om in die teenoorgestelde rigting weg te stap.

GRAHAMSTAD

By Rhodes is ons besonder goed onthaal en die vriendelike kêrels en behoorlike meisiemense het 'n besonder goeie indruk op ons gemaak. Dit was ook aangenaam om te verneem dat Stellenbosch se naam by hierdie Universiteit baie hoog aangeskrewe staan.

OROS-DRINKERY

Na ons wedstryd teen Kingswood, het die Prinsipaal 'n skemerpartytjie gehou. Hy het ons smaak egter verkeerd geoordeel, want terwyl die bottels Oros die skinkbord vol gestaan het, was die hoeveelheid harde hout ietwat beperk. Ons het ons egter nie laat afskrik nie, met die gevolg dat die Prinsipaal pal brandewyn moes aandra terwyl die Oros met rus gelaat is. Martin Louw en Jakkals de Jager het albei egter 'n stywe dop Oros en Lemonade gestee.

Donderdagaand het Rhodes vir ons 'n baie aangename dinee en dans gehou. Op laasgenoemde het Jakkals sy vernuftigheid in die danskuns getoon deur 'n Stadige Jakkalspas van die begin tot die end op Walsmaat te dans. Voorwaar 'n prestasie! Hein Louber se klavierspel het die bewondering van die Rhodes-studente uitgelok ten spyte van die feit dat die drank-toevoer uiters beperk was. Ons het die dans met Matie-voetbal-liedjies, wat baie byval gevind het, afgesluit.

(Word vervolg).

Stadler en Ko.,
(Eiens.) Bpk.

DORPSTRAAT.

Die Winkel vir Diens en Kwaliteit — met 'n glimlag.

Kruideniersware—Ysterware
Breekgoed en Skryfbehoeftes.

Pyrex en Geslypte Glas.

Agente vir
OLIVER PLOEË.

ONDERSTEUN

DIE ALOMBEBENDE FIRMA

R. MÜLLER

Eerste vir:

KLAVIERE, DRAADLOOSTOESTELLE EN ALLE ANDER SOORTE MUSIEK-INSTRUMENTE.

Grootste voorraad MUSIEKBOEKE EN MUSIKALE BENOEDIGHEDE.

Kwaliteit skep Tevredenheid — Tevredenheid — Reputasie.

Spesiale afdeling vir beste WAPENS EN PATRONE.

R. MÜLLER (Eiens.) Bpk.
PLEINSTRAAT, STELLENBOSCH.

DIE PÉRELSE STOOMWASSERY

Kom laat die Firma wat die beste dienste lewer u ook bedien.

Eienaar:

Mnr. W. Marsh.